

Johann Jacob Döbel

**Programma Quo Rector Universitatis Rostochiensis Johannes Jacobus Döbelius,  
Med. D. P. P. Poliater, & Facultatis suae p. t. Decanus, Ad Exequias Quas ... Dn.  
Joachimo Gerdes, ICto, dum viveret, & Philologo Celeberrimo, Cognati  
moestissimi, hodie hor. 1. paratas cupiunt, Omnes Omnium Ordinum Cives  
Academicos sedulo & peramanter invitat**

Rostochii: Kilius, 1668

<http://purl.uni-rostock.de/rosdok/ppn777447274>

Druck Freier  Zugang



Döbelius, J. J.,  
in J. Gerdes.

Rostock. 1668.

67















## PROGRAMMA

Quo

RECTOR

UNIVERSITATIS ROSTOCHIENSIS

JOHANNES JACO-  
BUS DÖBELIUS,

Med. D. P. P. Poliater, &amp; Facultatis



sive p. t. DECANUS,

*Ad Exequias*

Quas

VIRO CLARISSIMO ET CONSULTISSIMO

DN. JOACHI-  
MO GERDES,

Jcto, dum viveret, &amp; Philologo Celeberrimo,

Cognati mœstissimi,

hodie hor. i. paratas cupiunt,

Omnes Omnium Ordinum Cives Acade-  
micos sedulò & peramanter invitat.

ROSTOCHII,

Typis JOHANNIS KILII, Ac. Typogr. A. C. 1668.





Veni proximè ad tumultum suum  
comitabamur, Civis Honoratissi-  
mi, puerulus erat biennis: Hodie  
justa facimus Viro & etate &  
Doctrinâ magno, & Cantie insi-  
gni. Fuit is DN. JOACHI-  
MUS Gerdes: Cujus ortum,  
progressum, & ex hoc Mundo e-  
gressum ita nobis tradidère Cognati.

Natus est Vir Clarissimus & Consultissimus DN. JOA-  
CHIMUS Gerdes/ Jctus ac Philologus Celeberrimus,  
Vismariæ Anno 1607. 2. Martii; Patre Viro Nobiliss  
Ampliss. & Consultissimo DN. MATTHÆO Gerdes  
J.D. & Synd. Vismar. ac Stralsund. civit. Hanseat.;  
Matre Nobilissimâ ac Clarissimâ HEDWIGE Reichen.  
Avum Paternum sortitus est Virum Spectatissimum  
& Integerrimum JOACHIMUM Gerdes/ Civ. Ro-  
stoch Primar.; Aviam Paternam Piiissimam ac Splen-  
didissimam Matronam CATHARINAM Krügerin:  
Avum Maternum Virum Multum Reverendum, Am-  
pliss. atque Excellentissimum DN. BARTOLDUM  
Reichen/



Reichen/Ph. J. U. D. Serenissimorum Duc. Brunsv.  
ac Luneb. DN. HENRICI Junioris ac JULII, nec  
non prioris Viduæ Serenissimæ ex Jagellonicâ o-  
riundæ familiâ bis in Poloniam Oratorem Nomi-  
natissimum, atq; Ecclesiæ Cathedralis Blasiana,  
quæ Brunsvigæ est, Decanum; Aviam Maternam  
Speciosissimam Matronam SOPHIAM Röniken.  
Proavorum Paternorum unus memoratur DN.  
HENRICUS Berdes/COS. Rostoch. junctus ELI-  
SABETHÆ Schmiedin/BRANDANI COS. Vis-  
mar. F.; alter MATTHÆUS Krüger/Civis Vis-  
mar. Primar.; Proavorum maternorum unus  
JOANNES Reiche/Civ. Holzmundanus in ditio-  
ne Brunsvic., sociatus ELISABETHÆ Sischertin.  
Huncce gnatum suum, utp. in peccatis conce-  
ptum ac genitum, Parentes religiosissimi a ctutum  
libro vitæ per sanctissimam Baptismatis undam  
inferendum, & à teneris pietate, artibusq; inge-  
nuis & morum elegantia pro virili educandum  
curârunt: & puerum initio privatæ informationi  
Juvenum Studiosorum Eruditissimorum; dein-  
de adolescentem publicæ institutioni ac curæ Vi-  
ri Clariss. & Excellentiss. DN. M. ANDRÆ HEL-  
WIGII, ex - Profess. Human. Rostoch., Rectoris  
Gymnasii Stralsundensis meritissimi, tradiderunt.  
Hoc in Athenæo tantos Linguarum Græcæ ac



X  
Latinae elegantiorisq; literaturae fecit progressus,  
ut in annuis examinibus industriam aviditatemq;  
discendi probatum iuerit insatiabilem, & commi-  
litionibus suis palmam si non praeripuerit, certe  
dubiam fecerit, commoratus ibidem usque ad A.  
C. 1625., quo parens uterque ipsi fato praematu-  
ro subtractus fuit. Unde mox Stralsundio Ro-  
stochium avocatus una cum fratribus ac sorori-  
bus nonnullis hospitio avunculi sui, Viri Nobilif-  
simi atque Amplissimi DN. JOACHIMI Schützen/  
COS. Rostoch, liberalissimo exceptus est, com-  
missusq; curae CL. t. t. ludi nostri trivialis Mode-  
ratorum M. HENRICI VULPII, & EO BALDI  
Ribem. Sequenti 1626. anno Vismariam missus,  
se excolendum obtulit praeripimus CL. Viro DN.  
JEREMIAE NIGRINO, Rectori. Hinc se anno  
1627. Hamburgum contulit, ubi non solum Gy-  
mnasium Celeberrimum, quod tunc fama JOA-  
CHIMI JUNGII, Medici, Mathematici, Philoso-  
phi ac Philologi Accuratissimi (ut HENRICUS  
VAGETIUS, aliiq; taceantur) nobilitabat,  
frequentavit; verum etiam Pædagogum sic satis  
gnavum egit per triennium admodum. Anno  
1630. in Dithmarsiam se recepit, ibiq; usque ad  
mens. Julium anno 1633. Praeceptoris privati per-  
sonam egregie sustinuit. Dicto mense in Patri-  
um



um Lyceum reversus est. Verum vix ultra 4. heb-  
domadas illic commoratus, in Almam Juliam ab-  
legatus est, commendatus fidei pl. Rev. atque  
Excellentissimi DN. CONRADI HORNEII,  
Theol. D. ac Pr. Famigeratissimi, Affinis sui Inte-  
gerrimi ( qui, utp. juveniliū morum Censor  
exactissimus, Nostrum commendatione, scriptā  
ad quendam Professorum hujus Universitatis, for-  
tè Amplissimum DN. D. HENRICUM Rahnen /  
communem Amicum, dignatus est tali: *Re-  
mittimus in patriam juvenem literarum cupidissi-  
mum & valdè probum* ), admissusq; in familiari-  
tatem ac amicitiam reliquorum Dnn. Professo-  
rum. Ubi cum ultra biennium subsistere facul-  
tates ejus non permitterent, huc denuò, Ham-  
burgo inter alias urbes visitato ( ubi fortuna ipsi  
tum d. 5. Sept. dicti anni 1633. obtulit notitiam,  
magni illius HUGONIS GROTII, qui manu suā  
Albo Nostri insertā amicitiam ei pollicitus, lite-  
rasq; ad se exaratas exosculatus est) remeavit; sed  
paulo post Holsatiam ingressus, suam operam Vi-  
ro Generoso DN. CAJO Seesteten / Eq. Hols.  
(cujus affectum sincerum cumulavit etiam eò,  
quod unum foetuum ingenii sui Nomini Illustrita-  
tis Ejus inscribere voluerit) addixit, ejusq; filios  
non degeneres per biennium & quod excurrit,



erudit ira, ut nec Seeftetum Gerdesii, nec Gerdesium Seefteti unquam oblivio ceperit. Seeftedianâ Ephoriâ honestè abdicatâ revisit hanc Laciburgicarum Musarum Sareptam, inq; eâ per sesquiennium vixit piè & modestè, illiq; fini, ob quam in eam Studiosi ablegantur, egregiè respondit. Publicis siquidem Collegiis, auscultando & disputando interfuit, nec privata neglexit, usus præ cæteris in informatione fidelissimâ Matrue-  
lis sui Carissimi, Excellentissimi DN. HENRICI RAHNII, Jctiac Antecessoris Celeberrimi. Vehementer autem gavisus est, quoties cum aliquo viro docto de dubiis in Autoribus sibi oblatis conferendi potestas esset, ac id non rarò literis ad exteros misis eum factitasse ipsi, ad quos scripsit, testari fuere. Nec soli Jurisprudentiæ operam navavit sedulam, verùm etiam studio Philologia, ad quod velut naturâ ferebatur, apprimè delectatus est. Præter Vernaculam, Latinam, Græcam ac Gallicam, Hebræam quoque linguam & cognatas doctus, tanto earum omnium amore flagrabat, ut eundem non mutârît, quousque à Divini Numinis indulgentiâ vita suppetiit. Cæterùm cum sub id tempus bellici motus velut decumani fluctus obruerent hanc Mechlenb. provinciam, calamitatem Patriæ suæ diutius contem-  
plari



plari non sustinuit; Sed iter in plagas medita-  
tus est Septentrionaliores. Antequam autem  
hinc discederet, à Magistratu Academico attesta-  
tionem ac commendationem requisivit, & facil-  
limè impetravit sigillo Academicò munitam ipsis  
Cal. Aug. anni 1638. Atque sic valere jussu Roseto,  
Spinis Mavortii obstricto atque obstructo, in  
Cimbriam contendit, in quâ conterminâq; Nor-  
vagiâ per ipsa duo lustra diversorum Adolescen-  
tum Generosorum ac Ingenuorū, quos omnes re-  
censere nimis longum foret, studia moresq; ita  
rexit, ut omne tulerit punctum, promeruitq; fa-  
vorem & amorem Virorum Inclutorum, interq;  
eos CHRISTIANI FRISII, GEORGII URNII,  
JOH: LINDENAVII, CHRISTOPH: ULFELDI,  
NICOL: TROLLII, HENRICI HUIFELDII, GE-  
ORGII BRAHÆI, STENONIS BILLII, OLI-  
GERI ROSENCRANZII, CHRISTIANI  
THOMÆI, GEORGII SEEFELDII, HANNI-  
BALIS SEESTETI, HENRICI RAMELII,  
JAC: GRUBBII, CHRISTIANI MATTHIÆ,  
CASP: ERASM: BROCHMANI, HENR: ERN-  
STII, OLAI WORMII, STEPHANI JOH STE-  
PHANII, ac plurimorum aliorum. Anno 1648.  
ulterius perrexit, & Sueciam adiit, cujus metro-  
poli Holmiæ præprimis inhæsit, & ob singularem  
Lin-



Linguarum, præsertim Græcæ, notitiam in Aula  
Regiam accitus est, ut Serenissimam REGINAM  
CHRISTINAM, Græcas doceret literas: quâ  
provinciâ non sine laude suâ per aliquod functus  
est tempus. In hac Aulicâ vitâ edidit *Enchiridi-  
on Epicteti ac Tabulam Cebetis*, (in quæ ele-  
gantissima opuscula, ut & *Corn. Nepotem alios-  
que assiduos Autores* meditatus fuit quoque notas  
limatissimas, quas cum reliquis suis Commenta-  
riis, indignis quæ interire debeant, editurus fuis-  
set, si vitam produxisset, & invenire potuisset a-  
liquem, qui impendia ad impressionem necessa-  
ria suppeditatum ivisset), utraque in Teutoni-  
cam accuratissimè traducta linguam, consecra-  
vitq; hæc Delicias suas prælaudatæ Majestati Re-  
giæ. Ubi aliquot annos in Sveciâ laudabiliter  
transegisset, & Celebrium Virorum, ut CI. SAL-  
MASII, JOH: HENR: BOEKLERI, JOH:  
FREINSHEMII, JOH: LOCCENII; hujusq; ge-  
neri JOHANNIS SCÆFFERI, & aliorum quam-  
plurimorum familiaritatem elegantiam suâ sibi  
conciliasset, recessit per mare in Germanicas o-  
ras, operâ suam ulterius in patriâ æquè ac finiti-  
mis oris Adolescentiæ Ingenuæ ad pietatem & e-  
ruditionem manuducendæ locavit, ac inter plu-  
rimos alios egregios Discipulos gavissus est habu-  
isse



isse Amplissimi DN. NICOLAI BAUMANNI,  
in Pomeraniâ degentis, filiorum elegantissimo-  
rum unum, cui postea oblata fuerit Ephoria Ge-  
neros. DN. SAMUELIS FRIDERICI, L. B. à Blü-  
menthal. Ab A. C. 1661. usq; annum hunc fatalem  
partim Lubecæ Viri Multum Rev. & Consultissimi  
DN. D. AUGUSTI MEIERI, Canonici Lubec. ac  
Strenuissimi DN. HELMI WRANGELII liberis,  
partim Tönningæ Generosi DN. JOH: WALTHERI  
filio FRIDERICO Manuductorem gnavis-  
simum in studio Pietatis ac Humanitatis se stitit, nec  
quicquâ eorum intermisit, quæ ad spartam quam  
nactus fuerat ornandam spectare videbantur.  
Præteritâ æstate in urbem hanc appulerat Illustr.  
& Generos. DN. JOAN-ALBERTUS Gang I. B.  
de Pustitz/ stipatus duobus aliis, n.p. DN. JOAN-  
FRIDERICO L. B. à Schencken in Landsberg/ &  
paulò ante memorato DN. SAM. FRIDERICO  
L. B. à Blumenthal/ hospitemq; elegerat Virum,  
Spectatissimum DN. ERNESTUM Sülteman/  
Civem hujus urbis primarium. Quærebatur tum  
primo recensitorum Baronum Ephorus aliquis,  
nec ullus commodior qui vocaretur reperiri qui-  
bat, præter GERDESIUM Nostrum. Huic voca-  
tioni legitimæ sibi parendum ratus Noster, dimis-  
sionem à Generoso DN. WALTHERO petiit, e-  
amq; summâ cum gratiâ & liberalissimâ impetra-

B

vic



vir manu. Appulit itaq; huc Noster d. 8. Aug.  
seq; ad Sororis suæ Carissimæ filiam, modo nomi-  
nati DN. SUL TEMANNI Jugalem, recepit, in e-  
jusq; ædibus t. r. degentis Illustr. Dn. à Putlitz  
contubernio semetadjunxit, & in quantum licuit  
studia ejus adjuvit. Cum verò Generositas Sua à  
Dn. matre demum pronuper revocaretur, beni-  
gnissimis literis ac verbis sollicitatus est, ut telam  
heic locorum benè orsam in territorio Putlistiano  
continuaret; primitus nonnihil cunctabundus &  
propemodum averfabundus molestias tales,  
tandem tamen obfirmavit animum, ac pollicitus  
est, se propediem, si Deus ita vellet, subsequen-  
dum. Verùm interpellavit hæc promissa Fatum  
imperscrutabile. Nam ante aliquot hebdomadas  
morbo Hypochondriaco, Sedentariæ vitæ comite  
adsiduo, febreq; Scorbutica affligi coepit. Cui ex-  
quisitis quidem, quoad fieri potuit, remediis obvi-  
am ivit Excellentiss. DN. JOANNES BACK-  
MEISTERUS, M.D. & P.P. sed cum & affectus  
indies ingravesceret, & ipse piè defunctus non  
usq; adeo medicamentorum usum admitteret, fa-  
ctum tandem est, ut pertæsus inquietudinis ac æ-  
rumnæ mundanæ, piissimè ac placidissimè inter  
Sororum suarum aliorumq; Amicorum suspiria,  
preces ac lacrimas d. 5. Xbr. horâ 4. matut. exspi-  
raret, impertitus paulò antè viatico Cœlesti, quod  
sum-



summa cum animi devotione capite nudo ac genibus flexis sum sit, visitatusq; aliquoties ac erectus à Plur. Rev. Ampliff. atq; Excellentissimo DN. JOHANNÉ QUISTORPIO, S. S. Th. D. & Pr. nec non Past. ad æd. Cathedr. De pietate & religione ejus si non aliundè constaret, certè maximè sedula lectio ac evolutio Pandectarum Sacrorum, ab amita suâ dono impertitorum, annotatioq; frequentissima manu Beati nostri ad oram hinc inde adscripta restatur. Cæterùm in vitâ Civili ita se semper gesit, ut tria illa juris Præcepta, in quantum potuit, strictissimè observârit. *Neminem quippe læsit, Suum cuiq; tribuit ac Honestè vixit.* Munia publica, non rarò oblata, Titulosq; modestissimè declinavit, cælibemq; insuper elegit statum. In quo posteriori exemplum Propatru sui, Viri Ampliff. atq; Consultiff. DN. VALENTINI GERDES/ J. D. & Senat. Rostoch., secutus videtur. In hunc, ut & Avum maternum ac Patrem, trigam Jctorum, scita lusit Epigrammata, præfixa jam supra allegato Albo, quorum unum ad rem præsentem magis faciens adscribendum duximus.

*Qui vitam cælebs sine prole & conjugè degit,  
Omni censendus parte beatus is est:*

*Nam sic Pierias solim, sic Palladis artes,  
Ingenio Curâve excoluisse potest.*

*Magne VALENTINE, ô GERDES! lucida Lampas,  
Sic vixisse, Tibi summa libido fuit.*

*Ergo*



Ergo *Tuum Nomen, Virtus, Doctrina* vigeant,  
*Dum Roseæ Turres, Mœnia, Varnus* erunt.  
Hactenus Cognati: quibus ego, cum soli penè de GER-  
DESIO suo, utramq; videantur paginam ab-  
solvisse, nihil in presentiarum addo, nisi, quod inter  
tot turbas & strepitus, tot vitæ aulicæ genera, fidem b.  
defuncto, pietatem, candorem, castitatem, & quicquid  
reliquum est virtutum Christianarum, tam mansisse  
sarta tecta, quis mirari queat. Sed sunt in mari salso quo-  
que pisces dulces. Ita sibi contraxit, dum ageret apud  
nos, virtute suâ, gratiâ Deorum terrenorum, ne exci-  
deret aliquando Gratiâ DEI SUMMI: ita de iis  
meritus est moriturus, ut mortuus de Ser-va-  
toris sui merito gauderet. Fruitur Conversatione  
Angelorum nunc in caelis, qui tam rarâ, hactenus, An-  
gelorum in terris, virorû tam Illustriû, Conversatione  
delectatus fuit. Cumq; ejus exuvia omnium, hodiè, matris  
sint reddenda, haud concedetis, Cives ACADEMI-  
CL, ut tot stipata nuper, tantisq; fautorum, amicorum,  
& familiarium nominibus, tam hodie sola & absq; o-  
mni Ordinis nostri comite relinquuntur; quin potius,  
quod ipso à nobis jure exigere videntur, frequentissi-  
mo easdem Comitatu ad dormitorium suum  
deducetis.

Conveniemus in Æde B. Virginii sacrâ

Horâ I<sup>ma</sup>.

P. P. sub sigillo Rectoris d. 16. Xbr. Anno 1668.





















